


Vischnaunca da Breil



Lescha da satrar e santeris

2019

I. Organisaziun, menaschi e survigilonza

- 1 Survigilonza ed execuziun
2 Pensums

II. Uorden da satrar

- 3 Metter el vischi
4 Transport da baras
5 Liug da satrar
6 Lubientscha da satrar
7 Preparaziuns per satrar
8 Cuosts da satrar
9 Tuccar da miert e da sepultura

III. Uorden da santeri

- 10 Proprietad
11 Intent
12 Procura dalla vischnaunca
13 Register da fossas
14 Uorden dallas fossas
15 Fossa communabla
16 Dimensiun dallas fossas
17 Occupaziuun dallas fossas
18 Temps da ruaus
19 Exhumazion
20 Sligiar si fossas
21 Allontanaziun
22 Qualitad dils vischals
23 Ramas, segns fossas
24 Manteniment dalla fossa
25 Schurmetg dil santeri
26 Prescripziuns subordinadas

IV. Determinaziuns finalas e penales

- 27 Determinaziuns finalas
28 Vigur

Sebasond sin la lescha cantunala da sanadat dils 2 da december 1984 (Art. 12), statuescha la vischnaunca da Breil la suandonta lescha da satrar e da santeris:

I. Organisaziun, menaschi e survigilonza

Art. 1

Survigilonza ed execuziun	La survigilonza sur dalla lescha da satrar e da santeris ei adossada alla suprastonza communal. Ella ei responsabla per l'execuziun dalla lescha da satrar e da santeris.
---------------------------	---

Art. 2

Pensums	<p>La suprastonza communal ha en special ils suandonts pensums:</p> <ul style="list-style-type: none"> a) Relaschar las ordinaziuns pil diever e manteniment dils santeris. b) Survigilonza sur la construcziun da monuments, cruschs e ramas. c) Conceder la lubientscha e dar la disposiziun da rumir ed allontanar la fossa, suenter ch'il temps da ruaus ei spiraus. d) Conceder lubientschas extraordinarias per satrar baras da jasters. e) Nominar e survigilar il personal necessari per la lescha da santeri. f) Controllar il register da fossas.
---------	---

II. Uorden da satrar

Art. 3

Metter el vischi	<p>Il miert astga vegnir mess el vischi, pér cura ch'in miedi, practicont en Svizra, ha constatau la mort da tal. Sto ei, muort motifs medicinals ni muort in savanzau process da smarschir dalla bara, buca vegnir ordinau da serrar il vischi pli baul, astga quel star aviarts tochen cuort avon la sepultura. Per metter el vischi baras cun prighel da contagiusadad, ein las prescripziuns federalas cumpetentas e decisivas.</p>
------------------	---

Art. 4

Transport da baras	Transportar las baras ei caussa dils parents. Las prescripziuns specialas da confederaziun e cantun, ein resalvadas.
--------------------	--

Art. 5

Liug da satrar

Tuts morts sin intschess communal sco era tuttas baras, anfladas sin territori dalla vischnaunca da Breil, vegrnan satrai en in dils santeris da nossa vischnaunca.
 Baras anfladas ni baras da persunas, buca sesentas en vischnaunca, san vegrir satradas soli sco urna e la suprastanza communalia decida, sin tgei santeri che quellas vegrnan satradas.
 Negin sa muort motivs da cardientscha ed autra natira vegrir sclus d'ina sepultura undreivla sin in dils santeris da nossa vischnaunca.
 La sepultura sa haver liug sil pli baul 48 uras suenter la mort, sto denton succeder sil pli 72 uras suenter la mort. En cass specials sa il miedi districtual dar lubientschas excepcionalas. (Art. II cantunal)
 Sin giavisch dil miert ni da ses parents, sa la sepultura cun lubientscha dalla suprastanza communalia da leu, era haver liug en in auter santeri public.
 Baras ni urnas astgan buca vegrir satradas sin ulterior terren public da vischnaunca.

Art. 6

Lubientscha da satrar

Persunas, ch'ein buca stadas sesentas en vischnaunca, buca mortas en vischnaunca ed era buca anfladas mortas sin territori da vischnaunca, astgan vegrir satradas els santeris da vischnaunca mo cun ina lubientscha speciala dalla suprastanza communalia da Breil.

Art. 7

Preparaziuns per satrar

La canzlia communalia ordinescha il cavar la fossa e preparar tier quella ed en cass specials, sco per exemplu per baras anfladas sin territori da vischnaunca, per las qualas igl ei buca pusseivel d'eruir ils parents e responsabels, prepara ella tuttas mesiras necessarias per la sepultura.

Art. 8

Cuosts da satrar

Per cavar e cuvierer la fossa, per tschentiar la rama ed il crap fossa sco era per allontanar tala suenter il temps da ruaus, vegr adossau als artavels ina taxa pauschala

Art. 9

Tuccar da miert e da sepultura

Il cuoz e la dimensiun dil tuchiez da sepultura, sedrezza suenter il reglament da tuccar dalla mintgamai pertuccada pleiv.

III. Uorden da santeri**Art. 10**

Proprietad

Il terren dil santeri entuorn baselgia a Breil-vitg, Dardin, Danis-Tavanasa, Andiast e Waltensburg/Vuorz, vegn renconuschius ed impurtaus el cudisch funsil dalla vischnaunca da Breil sco proprietad dalla respectiva pleiv ni baselgia. Las pleivs e baselgias surlaian il possess da tal terren alla vischnaunca politica per intent da duvrar e mantener quei terren sco santeri.

Art. 11

Intent

Il santeri ei per nus tratsch benediu e survescha al davos ruaus terester da nos defuncts. Pietad ed engrazievlada enviers els, pretendan da tuts vischins, da salvar el en duida honur e da tener el bein en uorden.

Art. 12

Procura dalla vischnaunca

Alla vischnaunca ei surdada la procura da:

- Erecziun, engrondaziun e reparaturas
- Indrez da cavar fossa e da satrar
- Cavar fossa e satrar
- Tschentar la rama ed il crap (vegn mez dalla vischnaunca)

Art. 13

Register da fossas

L'administraziun communalia meina in plan dall'occupaziun dil santeri, el qual il num, prenum, di da naschientscha e di da mort e tuts satrai ein dad impurtar continuadamein. Quei register dils morts ei da controllar dalla suprastonza communalia.

Art. 14

Uorden dallas fossas

L'ordinaziun dalla successiun dallas fossas ed urnas da retscha sedrezzia suenter il plan relaschaus dalla suprastonza communalia. En las fossas ed urnas da retscha vegnan ils morts satrai en successiun continuada. Urnas san era veginidas satradas en ina fossa existenta sche lezza exista buca pli ditg che 10 onns. Sin tut ils santeris existan retschas separadas specialmein per urnas. Cheu ein las urnas per regla da satrar en quellas fossas. Fossas da famiglia dat ei buca els santeris dalla vischnaunca da Breil.

Art. 15

Fossa communabla

En la fossa communabla (nua che talas ein avon maun) sa veginir satrau la tschendra. Tala sa veginir satrada senza cuosts, anonim ni veginir menziunada cun ina tabla che la vischnaunca procura encunter indemnisiaziun. Sin il segn-fossa communabel duei esser enscret il num, prenum, onn da naschientscha ed onn dalla mort dil

defunct. Il contuorn da talas fossas vegn tgirau entras la vischnaunca (pastget). Ornements, fluras e plontas ein buca lubi.

Art. 16

Dimensiun dallas fossas La distanza denter las singulas fossas da retscha, ha da cumporar sil pli pauc 40 cm e per urnas 30 cm.

Las fossas ein da cavar cun ina profunditad minimala da:

Per carschi ed affons sur 10 onns	1.50 m
Per affons sut 10 onns	1.20 m
Per urnas	0.80 m

Art. 17

Occupaziun dallas fossas Scadin vischi e scadina urna ei da satrar en ina fossa dapersei. Sin giavisch dil trapassau ni dils parents, san urnas era vegnidias satradas en ina fossa gia existenta ni pliras urnas astgan vegnir satradas ella medema fossa. Cheutras vegn il temps da ruaus primar buca prolunghius.

Art. 18

Temps da ruaus Il temps da ruaus per tuttas fossas, priu ora la fossa communabla, munta a 20 onns.
Eventualas restonzas d'ossa ni dad urnas, che vegnan neunavon enten cavar las fossas suenter il temps da ruaus prescret, ston vegnir satradas da buna maniera.

Art. 19

Exhumaziun Igl ei scumandau d'exhumar ina bara avon ch'il temps prescret seigi spiraus.
Sin fundament d'ina damonda motivada dalla vischnaunca ni dils parents, sa il departement da sanitad conceder ina lubientscha excepziunala.
Exhumaziuns da defuncts satrai, stattan sut survigilonza dil miedi districtual, che pren las disposiziuns necessarias a risguard la polizia da sanitad.

Art. 20

Sligar si fossas Suenter il temps da ruaus da 20 onns, sa la suprastonza ordinar da sligar si parts dil santeri. Vul ella far quei, eis ell'obligada da publicar quei ufficialmein e communicar als veggentsuenter il termin dall'allontaziun e quei sil pli pauc 3 meins avon. La tabla sin il segn fossa dalla fossa communabla sa vegnir allontanaus suenter 20 onns.

Art. 21

Allontaziun

Igl allontanar la rama ed il crap ei caussa dalla vischnaunca. La crusch ni il monument resta en possess dils artavels. Veggan tals buca allontanai einteifer il temps fixau, dispona la suprastonza communalala dad els.

Art. 22

Qualitat dils vischals

Il vischi ha dad esser ord in lenn dalla sort lomma. Ei la bara ultra dil vischi aunc enserrada en ina teigia da plastic ni en ina cuvrida da metall, ston quellas vegin perfurradas avon che la fossa vegni cuvretga, per che la bara survegni aunc aria, per aschia smarschir. (Art. 18 cantunal).

Art. 23

Ramas, segns fossa

Mintga fossa sto vegin enrampaada cun ina rama da crap. Las ramas duein haver ina mesira da 60 sin 160 cm per carschi, per affons 40 sin 80 cm.. Las ramas per urnas 40 sin 80 cm. Per las fossas dad urna a Vuorz vala ina mesira da 60 sin 100 cm.

Cruschs e monuments ston s'accordar e s'adattar al contuorn ed astgan esser fabricai ord crap ni fier. Els santeris d' Andiast, Breil e Dardin, ein mo cruschs fier lubidas.

Cruschs e monuments astgan buca survargar las suandontas dimensiuns:

- Cruschs per carschi	1.40 m ault e 0.70 m ladezia
- Cruschs per carschi	1.20 m ault e 0.50 m ladezia (Andiast)
- Cruschs per urnas	0.80 m ault e 0.40 m ladezia
- Cruschs per affons	0.80 m ault e 0.40 m ladezia
- monuments per fossas	1.10 m ault e 0.60 m ladezia
- monuments per urnas	0.80 m ault e 0.50 m ladezia

Cruschs veglias dueien restar en lur grondezia e bellezia. Mintga segn-fossa duei purtar num, prenum, onn da naschientscha ed onn dalla mort dil defunct (Art. 16 cantunal).

Cruschs ni monuments specials, drovan ina lubientscha dalla suprastonza communalala. Il terren ordeifer la rama, astga buca vegin surplantaus.

Tuts monuments e cruschs, astgan vegin eregidas sil pli baul 6 meins suenter la sepultura. Il material restont sto vegin alontanaus immediatamein da quels, ch'exequeschan la lavur, sinaquei ch'il santeri resti schubers.

Cruschs e monuments da fossas cavadas si, ein d'allontar ord santeri entras ils parents.

Taxas**Sesents en ina vischnaunca**

Taxa pauschala per fossa	frs. 400. -
Taxa per urna e fossa d'affons	frs. 400. -
Exhumaniziu	tenor cuosts

Buca sesents en vischnaunca

Taxa per fossa	frs. 2'000. -
Taxa per urna	frs. 1'000. -
Urna en fossa existenta	frs. 800. -
Fossa d'affon	frs. 800. -
Exhumaniziu	tenor cuosts

Art. 24

Manteniment dalla fossa

Tgi che posseda fossas, cruschs, monuments e ramas, ei obligaus da mantener quellas en bien stan. Duess in ni l'auter tralaschar il manteniment, sa la suprastanza communalia surdar la laver da remadura ad ina tiarza persuna cun suttametter ils cuosts als parents, ch'ein obligai pil manteniment dalla fossa. Il plantar plontas e cagliom sin las fossas ei scumandau, aschigleiti che quellas plontas han disavantatg e consequenza sil contuorn.

Mintgin che rugalescha fossas, duei dismetter ils curdems organics el liug destinau e mess a disposiziun entras la vischnaunca, la quala procura la dismessa da leu.

Tschuppials, cups, plastic etc., ein da prender a casa.

La tgira dalla fossa senza parents, procura la vischnaunca entras surdar l'incarica ad ina tiarza persuna, che vegn indemnizada persuenter, aschinavon sco igl ei pusseivel ord il relasch dil defunct.

Il manteniment digl ulterior terren da santeri, ei surschaus alla vischnaunca.

Art. 25

Schurmetg dil santeri

Il visitar il santeri e siu terren, ei lubiu a scadin.
Scumandau ei en special:

- In sedepurtar disturbend e da canera sigl areal dil santeri
- Donnegiar ni tartignar fossas sco era igl ulterior terren da santeri
- Encurir ni alontanar plontas e fluras, senza dretg
- Visitar il santeri en accumpagnament da tgauns

Art. 26

Prescripziuns subordinadas

Per tuts cass buca stipulai en quest uorden, valan las prescripziuns cantunalas e federalas.

IV. Determinaziuns finalas e penales**Art. 27**

Determinaziuns
penales

Contravenziuns da quei uorden da satrar e da santeris, vegnan punidas dalla suprastanza communal cun castitgs da frs. 50.– entochen frs. 500.–. L'execuziun dalla disposiziun da castitg sin cuost dil culpont sco la premessa al derschader, resta resalvada. La procedura sedrezza tenor las determinaziuns cantunalas ed il proceder da castitg dallas instanzas administrativas.

Art. 28

Vigur

Questa lescha ei vegnida apporbada dil cussegli da vischnaunca ella seduta dils 26 da fevrer 2019 ed entra en vigur retroactivmein igl 1 da schaner 2019. Ella remplazza tut ils reglements semegionts dallas vischnauncas d'Andiast, da Breil e Waltensburg/Vuorz.

En num dil cussegli da vischnaunca

Il president:

Luzi Pfister

En num della suprastanza communal

Il president:

Clau Schlosser

Igl actuar:

Cardin Cadonau

Igl actuar:

Cardin Cadonau